

天一閣藏明代方志選刊

天一閣藏明代方志選刊

瑞金縣志

一九六一年十二月上海古籍書店據寧波天一閣藏明嘉靖刻本景印原書版框高二二公分寬一五·八公分

嘉靖瑞金縣志

瑞金縣志序

志曷以志王政也史是也周微矣
而人猶知所崇焉固志在也漢唐
下王會三輔有圖方輿寰宇有志
迄今

聖明大一統志始備焉昔昌黎子過

韶州問圖經矣子悼祀宋文獻不足則志之重於國也亦舊矣曹滕小國也邾莒則又小矣史又不可以小而廢之也愚偶過瑞邑邑侯趙勲獨於志惓惓焉維時司教事王君天祥魏君文謨陳君錦生員

鍾生訓劉生芳胥贊商厥美侯迎
致惟勤愚輒有慨夫俗之試吏臯
臯珣珣曰非業若趙侯其達治體
者矣愚廼懌然卜於陽月壬午開
館于綿江書院以候所錄草志
夕翻閱自宋紹興置邑歷于今五

百有餘年矣邑之顛末事蹟僅十
之一稽故實無徵焉廼留神擿采
於故老而詢之備詳也於學校而
質之示公也於墳典而考之示有
徵也有事於館者咸得預校閱統
紊昭晦剔陋綴遺而綜理裒歎侯

實主之不涉月而志垂成提綱屬
目得八卷制度斯具損益有機民
之親也官之鑑也激感興懷飭躬
許國抑或有攸助焉斯志之休也
以歸諸侯侯弗有以歸諸衆衆也
弗有以歸諸愚愚曰微慙也以歸

諸數存焉。食曰休哉。宜有遂書之。
式徵厥後。

嘉靖壬寅冬十月之吉

中憲大夫貴州等處提刑按察司

副使奉

勅整飭威清地方兵備兼督理糧儲

致仕前

南京四川道監察御史莆田寒谷

林有年書

修瑞金縣志

凡例

一志中書法大畧倣

大明一統志贛州府志大書以提其綱分註以詳其目庶邑治之因革後人有考焉

一地輿若星野山川城池疆域則仍其舊其他有缺者唐宋以來遠無所稽故但考之典籍詢之故老參之府志次第增入畧加詳焉以備一方之封畛為地輿類第一

一官制歷代職官漫無可考今特參之郡志詢

之學校次第編年徵示懲勸為官制類第二
一學校古今所重其制備於成周而尊崇之典
尤備於我

朝近奉

御製遵而錄之以鄉校學田附接古証今
斯道攸係焉為學校類第三

一人物書其科第歷官姓名其間曰忠義曰孝
友曰宦業曰貞節皆表而出之以年勞奉例
者附為人物類第四

一民有宮室官有公署創建規模因其品秩崇
卑而為之降殺古之制也今考而錄之為官


室類第五

一祀典舊載混雜不倫今特提為一綱蓋國之
大事祀也所以報功也為祀典類第六

一文章出於士林之所記述有關風化者錄之
以傳遠為文章類第七

一雜志類舊有寺觀仙經故老相傳圖志記載
卒難盡削姑存其舊為雜志類第八

縣 境



圖

之

